

III отрывок — к стѣр. 333 (продолжение текста, оборвавшегося в Уваровском списке)

- 1492 г. ... князь Литовский Андрей Казимир. И сел на великом княжении на Литовском сын его Александр, а на королевстве на Польском сел сын его Альбре[x]т. А сына его большого Владислава при его животе взяша на Чешское королевство, а с Чехов на Угорское королевство взяша его. Того же лета июня в 10 день приходиша татарова ординские казаки, в го||ловах приходил Томешок зовут, а с ним двесте и дватцать казаков во Алексин на волость на Вошан и пограбив поидоша назад. И приде погоня великого князя за ним: Федор Колтовский да Горяин Сидоров, а всех их 60 человек да четыре. И учинили им бой в поле промежу Трудов и Быстрие Сосны и убиша погони великого князя 40 человек. || А тотар на том бою убиша 60 человек, а иные идучи татарова в Орду ранены на пути изомроша. Того же лета от Фроловские стрельницы и до Никольские заложиха подошву и стрельницу новую над Неглидную¹ с тайником. Того же лета августа послал князь великий Иван Васильевич воеводу своего князя Федора Телепню Оболенского с силою || ратною на город Мченеск за их неправду, и град Мченеск взяша и землю повоеваша и воеводу их Бориса Семенова сына Олександрова изымаша и иных многих и приведоша их на Москву. В лето 7001 5 сентября послал князь великий во Крым к царю к Мингирею Крымскому посла своего Костянтина Заболотцакого, а в Волохи послал Ивана Ондреевича Плещеева. Тое ж осе||ни ноября приде из Литвы посол к великому князю Ивану Васильевичу пан Станислав Глебович от великого князя Александра Литовского о порубежных делах. Тое ж осени ноября от великого князя в Литву Юшко Елизаров. Тое ж зимы приехаша к великому князю служити князь Семен Федоровичь Воротынскойой, да братанич его князь Иван || Михайловичь из своими вотчинами. А едучи князь Семен на великого князя имя засел литовских городов Серпееск, да Мезеческ. И прииде за ними воевода Смоленский князя великого Литовского Александров пан Юрьи Глебович да князя Семена Ивановича Можайского под град под Серпееск и под Мезеческ с силою мно[го]ю. И граждане не возмогоша противитися || им, град своя здаша. И слышав тои князь великий Иван Васильевич послал противу их сестричича своего князя Федора Васильевича Резанского, да воевод своих князя Михаила Ивановича Кольшку, да князя Александра Васильевича Оболенского и иных воевод своих со мною силою, да великого князя Резанского Ивана Васильевича Инка Измаилов с силою. Смоленски ж воево||да пан Юрьи Глебович и князь Семен Иванович Можайского слышав рать силу великого князя идущу противу их и во градах посадиша князей и панов многих в осаде, а саму убоявшеся и побегоша к Смоленску. И прииде сила великого князя Ивана Васильевича под град Мезеческ, они же убоявшеся и не могоша противитися и град отвориша. Изымаша || во граде Кривча окольничего смоленского и иных многих князей и панов Литвы и смольнян заставы князя великого Александровы, а земских людей и черных приведоша к целованью за великого князя. И оттоле поиде сила великого князя под град Серпееск, они ж устремишася крепко ратоватися и не хотяша града здати. л. 379 об. Воево||ды же великого князя повелеша воем мужественне приступати ко граду с пушками и с пищальми, и приступив ко граду и взяша его силою, и изымаша во граде Ивана Федорова сына Плескова смольнянина и иных многих князей и панов Литвы и Смольнян двора великого князя Але-

¹ Так в тексте.